

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10. stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 11-383-2/17. od 28.03.2017. godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu: Ugovorni organ)

i

2. **„SLAMEX“ društvo sa ograničenom odgovornošću za inžinering i trgovinu Sarajevo**, ul. Butmiraska cesta br. 1. Ilidža - Sarajevo, registrovan kod Općinskog suda u Sarajevu (matični broj subjekta upisa 65-01-1062-11, stari broj 1-18202), identifikacijski broj kod Porezne uprave FBiH Kantonalni ured Sarajevo 4200149110007, identifikacijski broj obveznika PDV 200149110007, koga zastupa Direktor Mehmedika Slavica (u daljem tekstu: Dobavljač)

Dana 28.03.2017.godine., u Sarajevu zaključuju

UGOVOR O NABAVI

Član 1.

Dobavljač se obavezuje da će Ugovornog organa kontinuirano snadbijevati **cvijećem, sadnicama, zemljom i drugim pomoćnim materijalom**, u skladu sa potrebama iskazanim u Zahtjevu za dostavu ponude broj: 11-383-1/17. od 22.03.2017. godine, te uvjetima preciziranim Ponudom Dobavljača broj: 1/17 od 23.03.2017. godine, a sve u skladu sa potrebama Ugovornog organa.

Član 2.

Procijenjena ukupna vrijednost ovog ugovora, bez PDV-a iznosi **2.458,82 KM**, odnosno sa uključenim PDV-om iznosi **2.876,60 KM**.

Vrijednost ugovora, kao i planirane ukupne količine i vrste predmetne nabavke su orjentacione i zavise od stvarnih potreba Ugovornog organa u toku ugovorenog perioda.

Ugovorni organ zadržava pravo potpune ili djelimične realizacije nabave prema Zahtjevu i svojim potrebama.

Član 3.

Dobavljač garantuje Ugovornom organu da će uvijek imati odgovarajuću količinu robe iz ponude spremnu za isporuku, te da će istu isporučivati na osnovu pojedinačnih narudžbi, prema nastalim potrebama Ugovornog organa.

Dobavljač se obavezuje da prilikom svake isporuke isporuči robu zahtijevanog kvaliteta i odgovarajuće količine, u skladu sa zahtjevima Ugovornog organa.

Ugovorni organ će u slučaju isporuke robe neodgovarajućeg kvaliteta ili neodgovarajuće količine izvršiti povrat iste i zahtijevati isporuku odgovarajuće robe po kvalitetu ili količini.

U slučaju povrata neodgovarajuće robe od strane Ugovornog organa, Dobavljač se obavezuje da će isti dan izvršiti zamjenu robe odgovarajućom.

Ugovorni organ zadržava pravo da u slučaju učestale isporuke robe neodgovarajućeg kvaliteta ili neodgovarajuće količine, ovaj Ugovor raskine, uz prethodno pismeno upozorenje Dobavljaču na mogućnost raskida ugovora iz navedenih razloga.

Član 4.

Dobavljač se obavezuje da će predmetnu robu isporučivati kontinuirano, na osnovu pojedinačnih narudžbi, u skladu sa zahtjevima i potrebama Ugovornog organa.

Ugovorne strane su saglasne da se narudžba robe koja je predmet Ugovora, vrši putem telefona, u dogovoru sa višim referentom za nabavku i skladištenje ili drugim ovlaštenim zaposlenikom Ugovornog organa.

Ugovorne strane su saglasne da Dobavljač isporuku robe vrši vlastitim vozilima, a mjesto isporuke je Kantonalna javna ustanova „Gerontološki centar“, ulica Aleja Bosne srebrene br.7.

Krajnji rok za isporuku po narudžbi je 7 dana, a za slučaj hitne potrebe, ponuđač je dužan robu isporučiti odmah po narudžbi.

Ugovorne strane su saglasne da se prilikom isporuke i prijema robe izvrši zajednički pregled robe.

Član 5.

Ugovorni organ se obavezuje da plaćanje za isporučenu robu izvrši u roku od 15 dana po prijemu fakture, na transakcijski račun Dobavljača broj: 161000008550076 otvoren Raiffeisen Bank.

Ukoliko Ugovorni organ ne izvrši plaćanje u ugovorenom roku, Dobavljač ima pravo na zakonsku zateznu kamatu.

Plaćanje robe po ovom Ugovoru vršit će se u konvertibilnim markama.

Za svako kašnjenje u plaćanju Ugovorni organ se obavezuje da Dobavljaču pored glavnice, bez bilo kakve daljnje opomene, plati zakonske kamate za kašnjenje, u visini stope zatezne kamate propisane zakonom.

Ukoliko Ugovorni organ zakasni sa plaćanjem, Dobavljač ima pravo, bez ikakve daljnje opomene, na posebnu naknadu u iznosu 100,00 KM.

Član 6.

Ugovorne strane su saglasne da se u periodu važenja ovog Ugovora, jedinične cijene robe precizirane u Ponudi Dobavljača, neće mijenjati.

U slučaju značajnijih promjena na tržištu, koje utiču na cijene robe koja ja predmet nabavke, što podrazumijeva više ili niže cijene u odnosu na cijene precizirane Ponudom dobavljača, ugovorne strane zadržavaju pravo da pismenom obaviješću otkazu ovaj Ugovor.

Član 7.

Ovaj Ugovor se zaključuje na period od dvije godine, a primjenjuje se od dana obostranog potpisivanja.

Član 8.

Ugovorne strane mogu ovaj Ugovor raskinuti i prije njegovog isteka, ukoliko se neka od ugovornih strana ne bude pridržavala njegovih odredaba, uz prethodno izmirenje svih obaveza nastalih po osnovu ovog Ugovora.

Član 9.

Otkazni rok po ovom Ugovoru je 30 dana, od dana prijema pismenog obavještenja o otkazu Ugovora, a po isteku ovog roka, Ugovor se smatra raskinutim.

Član 10.

Ugovorne strane se obavezuju na pridržavanje zakonskih propisa, čuvanje poslovne tajnosti i pridržavanje poslovnih običaja.

Član 11.

Eventualne sporove nastale pri realizaciji ovog Ugovora, ugovorne strane će nastojati riješiti sporazumno, a ukoliko to nije moguće, za rješavanje sporova nadležan je Sud u Sarajevu.

Član 12.

Ovaj Ugovor je sačinjen u 4 (četiri) istovjetna primjerka, od kojih svaka strana zadržava po 2 (dva) primjerka.

DOBAVLJAČ:




Broj: 02/17

Sarajevo, 29. 3



UGOVORNI ORGAN:


Broj: 11-383-4/17

Sarajevo, 28.03.2017. god.

